

MEMORANDUM BASHKËPUNIMI NË MES TË

KOMUNËS SË GLLOGOCIT



REPUBLIKA E KOSOVES
KOMUNA GLLOGOC
MUNICIPAL GLLOGOC

01 Nr. 400/01-21041

19.06.2020

DHE

RRJETIT TË EDUKATORËVE BASHKËMOSHATARË – PEN



Neni 1

Përfaqësimi i palëve

Palët nënshkruese të kësaj marrëveshjeje garantojnë se ata kanë autorizimet e nevojshme për përmbushjen e obligimeve nga ky memorandum bashkëpunimi, se nënshkruesit e memorandumit të bashkëpunimit kanë zotësinë juridike për lidhje dhe nënshkrimin e së njëjtës në emër dhe për llogari të të njëjtëve, dhe se lidhja dhe përmbushja e obligimeve që dalin nga kjo marrëveshje është e lejuar me ligj. Palët në rastin e nënshkrimit përfaqësohen nga:

1. Komuna e Glogocit (në vijim "Komuna"), me adresë rr. "Fehmi Lladrovci" 13000, Glogoc, Republika e Kosovës, përfaqësohet nga Kryetari i Komunës së Glogocit. z. Ramiz Lladrovci,
2. Rrjeti i Edukatorëve Bashkëmoshatarë - PEN (në vijim "PEN"), me adresë rr. Behije Dashi Nr. 5/A Prishtinë 10,000, Republika e Kosovës, me numër të regjistrimit 5112039-6 si dhe numrin fiskal 600279253, përfaqësohet nga Drejtori Ekzekutiv — z. Bujar Fejzullahu

Më tutje në tekst: PALËT.

Neni 2

Qëllimet

1. Ky memorandum bashkëpunimi ka për qëllim të krijojë bashkëpunim në mes të Komunës dhe PEN në implementimin e aktiviteteve që dalin nga projekti "Youth Care for Kosovo",

fuqizimin e të rinjëve dhe vetëdijësimin e tyre rreth problemeve mjedisore, si dhe mbështetjen e të rinjeve në zhvillimin dhe zbatimin e iniciativave në komunitetet e tyre. Projekti 'Youth Care for Kosovo' mbështetet nga Swedish International Development Cooperation Agency (SIDA) dhe menaxhohet nga Community Development Fund (CDF).

2. Përmes këtij memorandumi të bashkëpunimit synohet realizimi i përbashket i projektit "Youth Care for Kosovo". Ky projekt do të realizohet gjatë vitit 2020 deri në fund të vitit 2023 në mënyrë të vazhdueshme dhe do të përfshijë të rinjtë e moshës 15-30 vjeç. duke i angazhuar në rritjen e vetëdijësimin për çështjet e mjedisit dhe u mundësuar qytetarëve të ndërmarrin veprime të drejtpërdrejta në drejtim të përmirësimit të mjedisit brenda komuniteteve të tyre.
3. Palët do të bashkëpunojnë rreth mundësive të inkuadrimin të të rinjëve në trajnime dhe aktivitete të ndryshme në komunën e Glogocit me qëllim të vetëdijësimin të tyre për çështjet e mjedisit, dhe aplikimin e njohurive të fituara në avokimin e politikave më të mira brenda komuniteteve të tyre për çështje mjedisore.

Neni 3

Fushat e bashkëpunimit

Palet dakordohen të bashkëpunojnë në lidhje me fushat e mëposhtme:

1. Informimin dhe rritjen e kapaciteteve të të rinjëve rreth çështjeve mjedisore, duke i angazhuar në identifikimin e problemeve kryesore mjedisore në komunitete lokale me të cilat përballen qytetarët.
2. Angazhimin e të rinjeve në trajnime për aftësimin e shkathtësive dhe njohurive të tyre rreth problemeve të mjedisit, në mënyrë që të aplikojnë njohuritë e tyre në organizimin e aktiviteteve të ndryshme në këtë komunë.
3. Ngjirjen e kapaciteteve të të rinjëve rreth teknologjisë së fundit për matjen e cilësisë së ajrit.
4. Krijimin e grupeve të ndryshme për angazhimin e të rinjëve në ndërmarrjen e kampanjave të ndryshme vetëdijësuese rreth problemeve mjedisore dhe përmirësimit të mjedisit në komunitetet e tyre.
5. Angazhimin e të rinjeve në ligjerata të shumta nëpër shkollat e kësaj komune, duke ju mundësuar nxënësve informimin rreth problemeve mjedisore në komunë dhe mënyrat e përmirësimit të mjedisit.
6. Krijimin e klubeve të gjelbëra në shkollat fillore dhe të mesme publike në këtë komunë për organizimin e aktiviteteve dhe ndërmarrjen e veprimeve të ndryshme në përmirësimin e mjedisit ku jetojnë.
7. Krijimi i kanaleve efektive të komunikimit në mes komunës dhe të rinjëve të komunës.

Neni 4

Obligimet e palëve

Sipas këtij memorandumimi palët pranojnë përgjegjësitë dhe obligohen si vijon:

1. Obligimet dhe përgjegjësitë e Komunës, përkatësisht drejtorisë komunale të arsimit, përfshijnë:
 - a. Identifikimin e shkollave potenciale të kësaj komune për organizimin e aktiviteteve dhe lehtësimin e komunikimit me zyrtarët e shkollave.
 - b. Organizimin e takimit informues me të rinjtë rreth politikave, problemeve dhe programeve komunale mjedisore, në koordinim me PEN.
 - c. Mbështetjen e të rinjve në ndërmarrjen e iniciativave lokale mjedisore.
 - d. Asistimin e të rinjve në zhvillimin e hulumtimeve për identifikimin e problemeve kyçe në komunitete lokale.
 - e. Asistimin e PEN dhe të rinjve në zbatimin e aktiviteteve dhe iniciativave lokale nga periudha qershor 2020 deri dhjetor 2023.
2. Obligimet dhe përgjegjësitë e PEN-it përfshijnë:
 - a. Mbajtjen e takimeve fillestare (zero phase meetings) me vullnetarët e angazhuar nga kjo komunë për t'u njoftuar me qëllimin dhe angazhimin e projektit, si dhe për t'u njoftuar me aktivistët nga komunat tjera.
 - b. Mbajtjen e trajnimeve lidhur me hulumtime mbi çështjet mjedisore globale dhe trajtimin e çështjeve lokale me zgjidhje praktike.
 - c. Mbikëqyrjen dhe udhëzimin e të rinjve nga komuna përgjatë tërë angazhimit të tyre 4 vjeçar (qershor 2020 – dhjetor 2023), në të gjitha aktivitetet e parapara me projekt.
 - d. Menaxhimin e fondeve përgjatë angazhimit të të rinjve rreth zbatimit të aktiviteteve të parapara.
 - e. Koordinimin e të rinjve në zhvillimin e hulumtimeve për identifikimin e problemeve kyçe në komunitete lokale.

Neni 5

Komunikimi mes palëve

1. Palët angazhohen të mbajnë komunikim të vazhdueshëm mes tyre dhe të shkëmbejnë çdo informacion të nevojshëm për përmbushjen e detyrave të tyre. Komunikimi do të kryhet në mënyrë verbale dhe elektronike.
2. Palët do të caktojnë personat kontaktues që do të jenë përgjegjës për shkëmbimin e informatave dhe plotësimin e kërkesave të tyre për zbatimin e memorandumit të bashkëpunimit.
3. Palët do të informojnë njëri-tjetrin mbi personat e kontaktit jo më vonë se dy (2) jave nga nënshkrimi i këtij Memorandumimi.
4. Personat kontaktues nga të dyja palët do të jenë të disponueshëm në çdo kohë për komunikim dhe koordinim, me qëllim të dakordimit për veprimet që duhet të ndërmerren.

Neni 6

Kohëzgjatja e Memorandumit të Bashkëpunimit

Palët nënshkruese të këtij memorandumi pajtohen që ky memorandum hyn në fuqi në datën e nënshkrimit nga të dyja palët dhe do të zgjase për një periudhë të pacaktuar, përgjatë procesit të zbatimit të aktiviteteve të përbashkëta.

Neni 7

Shkëputja e Memorandumit të Bashkëpunimit

1. Ky memorandum i bashkëpunimit mund të shkëputet para afatit të skadimit në marrëveshje nga të dyja palët, apo me kërkesë të njerës palë, me lajmërim paraprak me shkrim në afatin prej dy (2) javësh.
2. Ky memorandum i bashkëpunimit është i bazuar me mirëbesim dhe nuk ka për qëllim të perfitojnë palë të treta. Shkëputja mund të ndodhë në rastin nëse cilado palë është dëmtuar materialisht me veprime të qëllimshme apo nga pakujdesia e palës tjetër.
3. Kjo marrëveshje nuk parasheh implikime financiare në mes të dy palëve.

Neni 8

Gjuha e përdorur

1. Dokumenti i memorandumit të bashkëpunimit në mes Komunës dhe PEN është shkruar në gjuhën shqipe.
2. Sipas nevojave të palëve memorandum i mund të përkthehet edhe në gjuhën serbe apo angleze, me pëlqimin paraprak të palëve.

Neni 9

Hyrja në fuqi

Ky memorandum nënshkruhet me datë _____ në Glogoc dhe hyn në fuqi në ditën e nënshkrimit.

Neni 10

Dispozitat kalimtare

1. Ky memorandum i bashkëpunimit rregullohet sipas dispozitave të ligjeve në fuqi në Kosovë.
2. Ky memorandum i bashkëpunimit mund të modifikohet në çdo kohë me pëlqimin e palëve, dhe kërkesa për modifikim duhet të dorëzohet te pala tjetër së paku dy (2) javë para datës së synuar të modifikimit.
3. Ky memorandum i bashkëpunimit përgatitet dhe nënshkruhet në dy (2) kopje origjinale, nga një për secilën palë.

Rrjeti i Edukatorëve Bashkëmoshatare (PEN)

Bujar Fejzullahu

Drejtor Ekzekutiv

Bujar Fejzullahu
Data: 19/06/2020
Glllogoc



Komuna e Glllogocit

Ramiz Liricovci

Kryetar Komunes

Ramiz Liricovci

